

BWLETIN GWANWYN '26



Croeso i rifyn y gwanwyn o newyddlen Menter Iaith Sir Ddinbych

Gyda'r tywydd braf ar droed, mae tymor y gwanwyn wedi cyrraedd o'r diwedd. Bu dechrau prysur i'r tymor wrth ddathlu dydd Gŵyl Dewi ac addurno ffenestri busnesau trefi ein sir. Mae llawer o weithgareddau cyffrous wedi'u cynnal yn ystod y chwarter hwn felly ewch i ferwi'r tegell a mwynhewch flas ar y darllen.

Cynnwys

1. Uchafbwyntiau Cerddorol
2. Plant, Pobl ifanc a Theuluoedd
3. Sesiynau'r Dysgwyr
4. Hyrwyddo Digwyddiadau'r Gwanwyn
5. Y Fenter a Gwirfoddolwyr
6. Cysylltu â ni



UCHAFBWYNTIAU CERDDOROL

Gig Lleuwen yng Ngwesty Owain Glyndŵr

Cafwyd noson wefreiddiol yng Ngwesty Owain Glyndŵr fis Chwefror yng nghwmni Lleuwen a Melda Lois. Canodd Lleuwen gymysgedd o ganeuon newydd a'r hen ffefrynnau ac roedd set Melda Lois yn gweddu'n berffaith i awyrgylch y noson. Dyma artist ifanc sy'n datblygu ac edrychwn ymlaen i glywed mwy ganddi i'r dyfodol.

Diolch yn fawr am y gefnogaeth a braf oedd gweld ystafell orlawn yn y Gwesty. Byddai cynnal gig eto yng Ngwesty Owain Glyndŵr yn bleser.



Erin o'r Fenter a Lleuwen Steffan



Daf Morris, Lleuwen, Melda Lois ac Erin



Mwynhau gwrando ar Melda Lois



PLANT, POBL IFANC A THEULUOEDD

Gweithdy cerddoriaeth gyda disgyblion Ysgol Dinas Brân

I ddathlu Dydd Miwsig Cymru, cafwyd gweithdy cerddoriaeth dan ofal Osian Williams yn Ysgol Dinas Brân. Roedd yn weithdy hwyliog a chafodd y disgyblion gyfle i gyfansoddi geiriau a cherddoriaeth gydag Osian tra bo rhai wedi cael y cyfle i jamio gyda'r dyn ei hun – am brofiad gwych iddynt! Roedd yn gyfle arbennig i'r bobl ifanc gael dathlu Dydd Miwsig Cymru mewn steil! Diolch i Osian am ddod draw ac am gefnogaeth y Cyngor Tref. Roedd hi'n braf hefyd cael cydweithio ag Adran Gerdd yr ysgol.



Osian a'r disgyblion

Cwis Dim Clem

Mae Cwis Dim Clem 25/26 bellach wedi'i gwblhau. Diolch i'r holl ysgolion a fu'n cystadlu'n frwd yn sirol. Llongyfarchiadau i griw FAST o Ysgol Pen Barras a gipiodd y drydedd wobwr yn genedlaethol. Diolch i Mari Lovgreen am gyflwyno'r cwis dros Teams ac i Fenter Iaith Sir Benfro am gydlynu'r cwis.



Tîm FAST, Ysgol Pen Barras

Rhaid hefyd llongyfarch Ysgol Llanfair Dyffryn Clwyd am lwyddo i ddod yn drydydd yn Rownd Rhanbarthol Gogledd Cymru. Edrychwn ymlaen at fwrlwm sirol y cwis eto'r flwyddyn nesaf.



Gorymdaith Dydd Gŵyl Dewi, Dinbych

Bu bwrlwm ar hyd strydoedd tref Dinbych eto eleni wrth i dros 700 o blant ymuno yn nathliadau Dydd Gŵyl Dewi diolch i waith Menter Iaith Sir Ddinbych, Cyngor Tref Dinbych a'u partneriaid. Yn arwain yr orymdaith a sicrhau diogelwch pawb roedd swyddogion Heddlu Gogledd Cymru gyda dau gwnstabl ifanc 'Heddlu Bach' o Ysgol Pendref yn cefnogi'r swyddogion yn eu gwaith.

Roedd hi'n braf gweld trigolion a busnesau'r dref allan ar y strydoedd yn cefnogi a mwynhau'r dathliadau wrth i blant, staff, stiwardiaid a gwirfoddolwyr gerdded i gyfeiliant cerddoriaeth Gymraeg. Er gwaetha'r glaw, roedd Sgwâr y Goron o dan ei sang a chafodd y 15 ysgol o ddalgylch Dinbych groeso cynnes gan y cyflwynydd radio, Owain Llŷr. Diolch yn fawr i bawb.



Gorymdeithio drwy stryd Dinbych



Swyddogion Heddlu Gogledd Cymru



Disgyblion yn mwynhau'r bwrlwm

Cystadleuaeth Ffenestri Dydd Gŵyl Dewi

Roedd ffenestri siopau trefi ledled y sir yn werth eu gweld ar ddiwrnod cenedlaethol ein nawddsant eleni. Bu'r busnesau yn brysur yn addurno a chafwyd dros 40 o siopau yn cystadlu a nifer yn addurno! Diolch yn fawr i Gyngor Tref Dinbych, Cyngor Tref Llangollen, Cyngor Tref Llanelwya a Chyngor Tref Rhuthun am gefnogi. Mae rhestr o'r enillwyr ar ein gwefan.



Ty Gwyrdd, Dinbych



Handmade, Llangollen



Reebes, Dinbych

Taith Wanwyn Magi Ann

Mae Magi Ann, sy'n un o hoff gymeriadau plant bach Cymru, wedi cael pythefnos hynod o brysur ym mis Mawrth ar ôl bod ar daith yng nghwmni criwiau newydd.

Bu'n crwydro'r sir ar Daith Wanwyn yn canu, dawnsio ac yn darllen storiâu yng nghwmni criwiau newydd o blant bach. Dyma oedd tro cyntaf i nifer o blant bach ysgolion cynradd a meithrinfeydd y sir gwrdd â Magi Ann ac roedd eu hymateb yn fendigedig! Cafodd dros 200 o blant gyfle i chwerthin a mwynhau yn ei chwmi gan ddod i adnabod ffrindiau Magi Ann yn well.

Roedd darllen ambell stori at ddant nifer. Diolch yn fawr i Ysgol Pant Pastynog, Ysgol Bro Dyfrdwy, Ysgol Pen Barras, Ysgol Bro Cinmeirch, Miri Meithrin a Little Explorers am eu cefnogaeth. Bellach mae Magi Ann yn cael seibiant haeddiannol.



Magi Ann yn Ysgol Pant Pastynog



Magi Ann yn Ysgol Bro Dyfrdwy

Gweithdy Gwehyddu Helyg yn y Gymraeg



Dros wyliâu'r Pasg cafodd plant a theuluoedd gyfle i gymryd rhan mewn gweithdy gwehyddu helyg dan ofal Eirian Muse. Dyma weithdy poblogaidd oedd yn rhoi cyfle i'r cyfranwyr ddysgu sgil newydd wrth ymarfer eu Cymraeg mewn awyrgylch hamddenol a chartrefol yn yr Hen Lys, Rhuthun. Roedd creadigrwydd naturiol plant a theuluoedd Rhuthun ar ei orau a chyfle i'r plant wehyddu amryw o siapiau gwahanol gydag ambell un yn mentro ar greu ceirw!

Diolch yn fawr i Eirian am gynnal gweithdy creadigol gwych a gobeithio cawn eich croesawu nôl i Sir Ddinbych yn fuan.

Clwb Amser Cinio

Mae'n braf cael nodi bod y sesiynau amser cinio yn ysgolion uwchradd y sir yn mynd o nerth i nerth a sesiynau bellach wedi ail-gychwyn yn Ysgol Glan Clwyd eto mewn cydweithrediad â'r Urdd. Caiff y sesiynau eu cynnal yn wythnosol gyda'r nod o gynnal gweithgareddau amrywiol drwy gyfrwng y Gymraeg.

Dwylo Bach, Hwb Rhuddlan



Cafwyd sesiwn beilot cyntaf Dwylo Bach yn Hwb Rhuddlan ddiwedd mis Ebrill. Dyma sesiynau chwarae creadigol synhwyrdd ar gyfer plant a babanod a braf oedd cael croesawu teuluoedd i'r sesiwn.

Bydd y sesiwn nesaf yn cael ei chynnal 14 Mai a chroeso i deuluoedd newydd. Diolch yn fawr i Bwyllgor Cymraeg Rhuddlan am gefnogi.

SESIYNAU'R DYSGWYR



Paned a Sgwrs

Mae sesiynau Paned a Sgwrsiau ledled y sir yn parhau i ffynnu a diolch yn fawr i'r holl diwtoriaid a'r gwirfoddolwyr sy'n gweithio'n ddiflino.

Braf yw nodi bydd Paned a Sgwrs (ar ôl gwaith) yn cychwyn yn Rhuddlan yn fuan. Diolch i Eryl ein swyddog am drefnu.



Paned a Sgwrs Tremeirchion

Taith Dywysedig o amgylch Llangollen

Bu criw o ddysgwyr brwdfrydig ar daith dywys yn Llangollen fis Chwefror o dan arweiniad y tywysydd profiadol Medwyn Williams. Dyma gyfle i'r criw grwydro'r dref, dod i adnabod safleoedd Llangollen yn well a'r cyfan drwy siarad ac ymarfer eu Cymraeg. Roedd cael paned ar y diwedd yn uchafbwynt i'r cyfan yn Nhafarn Gales. Diolch i Gyngor Tref Llangollen am gefnogi.

Taith gerdded Glyndyfrdwy

Dyma'r daith gyntaf o nifer o deithiau cerdded yn ne Sir Ddinbych lle bydd cyfle i ddysgwyr ddod i adnabod eu cynefin yn well dan ofal arweinwyr profiadol.

Arfon Hughes oedd arweinydd y daith gyntaf a bu'r cylchdro hamddenol o amgylch Glyndyfrdwy yn gyfle i'r cerddwyr ddysgu am hanes Owain Glyndŵr, gweld safleoedd tomenni mwnt a beili a chyfle i ymarfer eu Cymraeg. Roedd y tywydd yn fendigedig a gyda 7 o siaradwyr newydd y Gymraeg yn bresennol cafwyd amser bendigedig. Bu'r baned yn Neuadd Glyndyfrdwy ar ddiwedd y daith yn hyfryd gyda chyfle i'r siaradwyr newydd ddod i adnabod ei gilydd yn well.

Diolch yn fawr i Bartneriaeth Gymunedol De Sir Ddinbych am gefnogi ac edrychwn ymlaen at y daith nesaf ddiwedd y mis hwn.



Cerddwyr yn barod



Parhau i ddringo




Neuadd Bentref Glyndyfrdwy

Taith Dywys Cymraeg yn y Coed

Braf nodi bod teithiau tywys Cymraeg yn y Coed yn ôl ar gyfer y Gwanwyn. Roedd y daith gyntaf yn Loggerheads ddiwedd mis Ebrill yn hynod lwyddiannus a braf yw gallu cydweithio gyda Menter Iaith Fflint a Wrecsam a Bryniau Clwyd a Dyffryn Dyfrdwy.

Digwyddiadau Paned a Sgwrs yn y sir

Paned a Sgwrs Dyserth



Trydydd Nos Lun y mis
Third Monday of the month

7 - 8:30pm

Neuadd Paterson (tu ôl i Gapel Horeb)
Stryd Fawr, Dyserth, LL18 6AB

Croeso cynnes a chyfle am sgwrs drwy gyfrwng y Gymraeg dros baned.

A chance to enjoy socialising over a 'paned' through the medium of Welsh. Welsh learners most welcome. Join us - it's a great place to practice your Cymraeg.

Ymholiadau / Enquiries:
✉ sgwrsio@outlook.com
Cymdeithas Gymraeg Dyserth

Menter Iaith Sir Ddinbych Noddir gan Gyngor Cymuned Dyserth / Supported by Dyserth Community Council

Paned a Sgwrs Tremeirchion

Tafarn Gymunedol y Salusbury Arms



LL17 0UN

Dydd Gwener cyntaf o bob mis // First Friday each month

2.00-3.30pm

Cyfle i ymarfer eich Cymraeg dros baned // A chance to practice your Cymraeg over a 'paned'

Neu os yn siaradwr rhugl lleol, beth am ddod draw i rannu eich Cymraeg gyda dysgwyr?

UNRHYW GWESTIWN O FLAEN LLAW / FURTHER INFORMATION:
✉ gwyneth.littler@gmail.com

Menter Iaith Sir Ddinbych Elusen Gofrestredig: 1120223

Paned a Sgwrs Caffi Treferwyn Corwen



Dydd Mawrth

12 05 2026

2:00-3:30 pm

Cyfle i chi gael ymarfer eich Cymraeg A chance to practice your Welsh

Croeso cynnes i bawb A warm welcome to all

I ARCHEBU LLE // TO BOOK A PLACE
✉ menter@misirddinbych.cymru

Menter Iaith Sir Ddinbych Elusen Gofrestredig: 1120223

PANED A SGWRS RHUTHUN

Trydydd dydd Sadwrn pob mis
Third Saturday of every month

Llyfrgell Rhuthun / Ruthin Library

10-11

Cyfle gwych i ymarfer eich Cymraeg!

Croeso i bawb! Everyone welcome!

A great opportunity to practise your Welsh!

Cysylltwch â / Contact : gwybod@popethcymraeg.cymru

PANED A SGWRS DINBYCH

Croeso cynnes i bawb A warm welcome to everyone

Ail ddydd Llun pob mis / Second Monday of every month

2-3:30pm

Lalfa Gee, Llyfrgell Dinbych / Denbigh Library, LL16 3NU

Cyfle gwych i ymarfer eich Cymraeg / A great opportunity to practise your Welsh

Cysylltwch â / Contact : lowri@popethcymraeg.cymru

Paned a Sgwrs (ar ôl gwaith)

-Welsh cuppa & chat session after work hours-

Nos Fercher 6ed o Fai
Wednesday 6th of May

(Mercher cynta'r mis o hyn allan - Then the first Weds of each month)

6-7pm @ Starbucks Rhuddlan
Marsh Rd., LL18 5UA

Dewch i ymarfer a defnyddio eich Cymraeg yn anffurfiol dros baned! Come along to practice and use your Welsh informally over a paned!

eryl@miconwy.cymru 01745 812822

Paned a Sgwrs Nantglyn

Neuadd yr Eglwys / Church House



Trydydd dydd Sadwrn pob mis
Third Saturday of every month

10.30- 11.30

Cyfle da i ymarfer eich Cymraeg dros baned A chance to practise your Cymraeg with a 'paned'

Croeso cynnes i bawb // A warm welcome to all

I ARCHEBU LLE NEU AM RHAGOR O WYBODAETH TO BOOK A PLACE OR FOR MORE INFO
✉ menter@misirddinbych.cymru
☎ 01745 812822

Menter Iaith Sir Ddinbych Elusen Gofrestredig: 1120223

Paned a Sgwrs Hwb Pentredwâr



Dydd Mawrth

20 05 2026


10.00-11:30am

Cyfle i chi gael ymarfer eich Cymraeg A chance to practice your Welsh

Croeso cynnes i bawb A warm welcome to all

I ARCHEBU LLE // TO BOOK A PLACE
✉ menter@misirddinbych.cymru

Menter Iaith Sir Ddinbych Elusen Gofrestredig: 1120223



Llais Prestatyn

Noson Bingo!

Yng Nghlwb Golff Sant Melyd, cafwyd noson Bingo hwyliog gyda chydbwysedd da o siaradwyr rhugl a siaradwyr newydd y Gymraeg yno; gyda'r cyfranwr ieuengaf yn 12 a'r hynaf yn 70! Diolch yn fawr i bawb am eu cefnogaeth ac edrychwn ymlaen at weithgaredd nesaf Llais Prestatyn.

Dro a Sgwrs

Cafwyd cylchdaith hamddenol trwy goed y Morfa penwythnos cyntaf Mai gyda phaned groesawgar yn y Ganolfan Hamdden cyn dychwelyd ar hyd llwybr yr hen reilffordd. Diolch yn fawr i'r gwirfoddolwyr.



Eisteddfod Dysgu Cymraeg Gogledd Ddwyrain

Braf oedd cael cefnogi Eisteddfod Dysgu Cymraeg Gogledd Ddwyrain ar y cyd gyda Menter Iaith Fflint a Wrecsam. Roedd hi'n ddiwrnod arbennig i ddathlu creadigrwydd, gweld perfformiadau amrywiol a chlywed yr iaith yn fyw ym Marchnad y Frenhines, Y Rhyl. Llongyfarchiadau mawr i bawb a gystadlodd - mae modd gweld rhestr o'r canlyniadau ar gyfryngau Dysgu Cymraeg Gogledd Ddwyrain.

Diolch i Ganolfan Dysgu Cymraeg y Gogledd Ddwyrain a Popeth Cymraeg am y gwahoddiad.



Iorwen yn cynrychioli'r Fenter yn yr Eisteddfod

Say it in Cymraeg...

SAY IT IN CYMRAEG...

Dydd Gŵyl Dewi

Saesneg	Cymraeg	Pronounce
Happy Saint David's Day	Dydd Gŵyl Dewi Hapus	Deeth Gooel Dehwee Ha-pis
Patron Saint	Nawddsant	Naooth-sant
Saint David	Dewi Sant	Dehwee Sant
Leek	Cennin	Keh-nin
Daffodil	Cennin Pedr	Keh-nin Peh-dr
Flag	Baner	Ban-er
Wales	Cymru	Come-ree
Cawl (Welsh dish)	Cawl / Lobsgows	Kaool / Lobsgouse
Welsh Cake	Pice Bach / Cacen Gri	Pee-keh Bach / Kah-ken gree
March the 1st	Mawrth y cyntaf	Mowrth uh kun-tav

Byw Dysgu Mwynhau

Menter Iaith Sir Ddinbych

SAY IT IN CYMRAEG...

Dathlu'r Pasg

Saesneg	Cymraeg	Pronounce
Happy Easter	Pasg Hapus	Pask Hap-is
Easter Sunday	Sul y Pasg	Seal uh Pask
Easter egg	Ŵy Pasg	Ooee Pask
Lent	Y Grawys	Grah-ooees
Hunt	Helfa	Hell-vah
Lamb	Oen	Oh-en
Good Friday	Cwener y Grogolith	Gweh-ner uh Grog-leeth
Chick	Cyw	Kew
Spring	Gwanwyn	Gwan-win
Cross	Croes	Kro-iss
Sacrifice	Aberth	Ab-erth

Byw Dysgu Mwynhau

Menter Iaith Sir Ddinbych

SAY IT IN CYMRAEG...

Amser Parti!

Saesneg	Cymraeg	Pronounce
Party	Parti	Par-ti
Celebrations	Dathlu	Dahth-lee
Music	Cerddoriaeth	Care-tho-ree-eye-th
Silent Disco	Disgo Tawel	Dis-go Tow-el
To dance	Dawnsio	Down-sho
To enjoy	Mwynhau	Mwyn-hau
Happy Birthday	Pen-blwydd hapus	Pen-bloo-ith Hap-iss
Cake	Cacen	Ka-ken
Balloons	Balwnau	Bal-oo-nau
Present	Anrheg	Ann-rheg
Fun	Hwyl	Hoo-eel

Byw Dysgu Mwynhau

Menter Iaith Sir Ddinbych

SAY IT IN CYMRAEG...

Sul y Mamau

Saesneg	Cymraeg	Pronounce
Happy Mother's day	Sul y Mamau Hapus	Seel uh Mam-eye Hap-iss
Someone special	Person arbennig	Pehr-son ar-ben-ig
To appreciate	Gwerthfawrogi	Gwerth-vow -rog-ee
Card	Cerdyn	Kehr-din
Thank you for everything	Diolch am bopeth	Deeolch am bop-eth
Hug	Cwtsh	Kootch
Flowers	Blodau	Blod-eye
To miss	Methu	Meth-thee

*Mam fach annwyl
Mam fach fi
Fi bia Mam
A Mam bia fi*

Byw Dysgu Mwynhau

Menter Iaith Sir Ddinbych

HYRWYDDO DIGWYDDIADAU CYMRAEG Y GWANWYN

Beth sydd ymlaen yn y Gymraeg yn Sir Ddinbych yn ystod y gwanwyn?

Dyma hyrwyddo digwyddiadau nesaf yn ein calendr, yn ogystal ag ambell ddiwyddiad yn y sir.

Cofiwch hefyd bod ein calendr ar ein gwefan yn fyw ac yn cael ei ddiweddarau'n gyson!

Calendr Digwyddiadau Cymraeg




Darganfyddwch mwy yma
Find out more here

Bod yn greadigol efo Dwylo Bach
Being creative with Dwylo Bach

Hwb Rhuddlan, LL18 2UJ

10:30 - 12:00

Dydd Iau, 14 Mai **Thursday 14 May**

Cysylltwch ag / Contact
erin@misirdinbych.cymru
am fwy o wybodaeth / for more information

I fabanod a phlant bach 0-5 oed
AM DDIM
For babies and toddlers 0-5
FREE








GWEITHDY yng Nghanolfan Grefft Rhuthun

Caffi Celf

Dydd Sadwrn 9 Mai
10.30am - 12.30pm

AM DDIM
I ddysgwyr Cymraeg



Cyfle i ddysgwyr Cymraeg ymarfer a defnyddio eu Cymraeg gyda Bethan M. Hughes - artist sy'n siarad Cymraeg mewn lleoliad anffurfiol, creadigol.

Mae'r sesiwn yn dechrau trwy edrych ar arddangosfa Becky Adams ac yn parhau gyda sesiwn greadigol wedi'i ysbrydoli gan y gwaith.

Bydd digon o gyfle i ymarfer eich Cymraeg yn ystod y sesiwn greadigol hon. Nid oes angen unrhyw brofiad celf blaenorol.

JONES BROS CIVIL ENGINEERING UK
Arts & Business Cymru

Noddir gan Jones Bros

Mae ein HOLL weithdai ar Eventbrite
Sganwch y cod QR i archebu

Canolfan Grefft Rhuthun, Y Ganolfan i'r Celfyddydau Cymhwysol
Heol y Parc, Rhuthun, Sir Ddinbych, LL15 1BB. Ffôn: +44 (0)1824 704774
Mynediad AM DDIM. Parcio AM DDIM ar y safle. Ar agor Mawrth - Sul 10yb - 5.30yp
canolfangrefftRhuthun.org.uk




23.05.2026

Gwerthiant Planhigion Henllan	Plants For Sale in Henllan Refreshments Available
--------------------------------------	--

Sadwrn / Saturday
23: Mai / May 2026
9.00am - 12.00pm

Elw tuag at yr Ardd Wenyn a cynnal a chadw tu allan Neuadd yr Eglwys	Proceeds toward the Bee Garden and maintenance of the Institute Grounds
--	---

01745 812 865

Raffi / Raffle: **Breast Cancer Now**




GWEITHDY yng Nghanolfan Grefft Rhuthun

Caffi Celf

Dydd Sadwrn 30 Mai
10.30am - 12.30pm

AM DDIM
I ddysgwyr Cymraeg



Cyfle i ddysgwyr Cymraeg ymarfer a defnyddio eu Cymraeg gyda Donna Jones - artist sy'n siarad Cymraeg mewn lleoliad anffurfiol, creadigol.

Mae'r sesiwn yn dechrau trwy edrych ar arddangosfa Jane Perryman's ac yn parhau gyda sesiwn greadigol wedi'i ysbrydoli gan y gwaith.

Bydd digon o gyfle i ymarfer eich Cymraeg yn ystod y sesiwn greadigol hon. Nid oes angen unrhyw brofiad celf blaenorol.

JONES BROS CIVIL ENGINEERING UK
Arts & Business Cymru


Noddir gan Jones Bros

Mae ein HOLL weithdai ar Eventbrite
Sganwch y cod QR i archebu


Canolfan Grefft Rhuthun, Y Ganolfan i'r Celfyddydau Cymhwysol
Heol y Parc, Rhuthun, Sir Ddinbych, LL15 1BB. Ffôn: +44 (0)1824 704774
Mynediad AM DDIM. Parcio AM DDIM ar y safle. Ar agor Mawrth - Sul 10yb - 5.30yp
canolfangrefftRhuthun.org.uk



Ar Geinioga'
gan Manon Wyn Williams



Llion Williams



Theatr Twm o'r Nant | Dinbych
Sadwrn | 06-06-26 | 7:30
Tocynnau: - Gaynor Morgan Rees - 01745 812 349
neu drwy law yn Sioep Clwyd

DOSBARTY MISS PRYDDERCH
Y LLEIDR Y LLEISIAU

30 MEHEFIN 2026
PAFILIWN RHYL
10AM

Y FENTER A GWIRFODDOLWYR

Wythnos Elusennau Cymru

Bu Wythnos Elusennau Cymru rhwng 9 – 13 o Chwefror, a bu'r Fenter yn brysur yn hyrwyddo'r Gymraeg ledled y sir mewn digwyddiadau amrywiol o gyfarfodydd i sesiynau'r dysgwyr, o gefnogi elusennau eraill i baratoi ar gyfer trefniadau Gorymdaith a Chystadleuaeth Ffenestri Dydd Gŵyl Dewi.

Yn ôl Ruth Williams, Prif Swyddog Menter Iaith Sir Ddinbych, mae'r "gwaith rydyn ni'n ei wneud, fel elusen, yn amrywiol iawn, ac yn aml, mae pobl yn anghofio mai elusen gofrestredig ydy'r Fenter Iaith ei hun.

"Rydyn ni'n falch iawn ein bod wedi ein cymeradwyo gyda marc safon NCVO Elusen Ddibynadwy. Fel tîm bychan o staff rydyn ni'n ddibynnol iawn ar wirfoddolwyr ac mae sicrhau ein bod yn cynnal safon yn ein gwaith fel elusen, yn hollbwysig."

Yn ôl Cadeirydd Bwrdd Ymddiriedolwyr y Fenter, Bethan Cartwright, "Rydym yn ddiolchgar i'n prif arianwyr a'n partneriaid am ymddiried ynom i gyflawni ein gwaith o gynnig cyfleoedd i drigolion Sir Ddinbych fwynhau byw eu bywydau trwy gyfrwng y Gymraeg. Ni fyddai modd i ni gyflawni'r rôl honno heb ein staff diwyd a'r gwirfoddolwyr sy'n cydweithio â ni fel aelodau Bwrdd, cyfranwyr a chefnogwyr mewn digwyddiadau. Diolch o galon iddynt."

Gwirfoddolwyr

Diolch i'r holl wirfoddolwyr sydd wedi bod yn weithgar dros fisoedd y gwanwyn yn cynnal a chefnogi gweithgareddau cymdeithasol Cymraeg ledled y Sir. Mae criw da o wirfoddolwyr wedi ymrwmo i gefnogi dysgwyr Cymraeg yn Nantglyn i gefnogi Paned a Sgwrs ar trydydd bore Sadwrn bob mis.

Yr un yw'r sefyllfa gyda'r criwiau sy'n cefnogi dysgwyr yn Nyserth, Corwen a Thremeirchion yn fisol - ac mae'r galw am weithgareddau fel hyn yn parhau i gynyddu! Braff hefyd oedd cefnogi gwirfoddolwyr Theatr Twm o'r Nant yn ystod y gwanwyn wrth iddynt roi llwyfan i berfformiadau Ledi'r Wyrwys gan Jerry Hunter, a Waldo gan Mewn Cymeriad -a thrwy ein cydweithio fe werthwyd pob



Criw Paned a Sgwrs Nantglyn

tocyn. Edrychwn ymlaen at gefnogi'r criw yno eto ddechrau Mehefin wrth iddynt groesawu Bara Caws gyda pherfformiad o Ar Geinioga.

Diolch hefyd i griw Llais Presatyn am eu hymddroddiad yn parhau i gynllunio a chynnal digwyddiadau a gweithgareddau amrywiol. Edrychwn ymlaen at yr haf!

Dathlu Isaac Roberts


Cyhoeddwyd y newydd da ddiwedd Mawrth fod cais i'r Gymdeithas Frenhinol i ariannu Prosiect Gwyddoniaeth i glodfori'r Astroffotograffydd Issac Roberts ar y cyd mewn partneriaeth ag Amgueddfa Dinbych a Chymdeithas Seryddol Llandyrnog a Gwaddol Rhydgaled wedi'i gymeradwyo.

Bydd y prosiect yn cynnwys amrywiaeth o ddigwyddiadau o weithdai i blant a phobl ifanc i adeiladu replica o delesgop Isaac Roberts, o sgysiau am seryddiaeth ac astroffotograffiaeth i arddangosfeydd.

Rydym yn falch iawn o gefnogi'r prosiect a fydd yn y pen draw yn arwain at ddathlu 200 mlynedd geni Isaac Roberts a anwyd ar fferm Groes Bach ger Dinbych.

Cyfarfod Cyhoeddus Nantglyn

Yn dilyn cyfarfod ym Mawrth, penderfynwyd sefydlu pwyllgor ardal yn Nantglyn a'r cylch i gefnogi a hyrwyddo digwyddiadau Cymraeg a chymreig ei natur yn yr ardal. Gyda'r sesiynau Paned a Sgwrs misol yn mynd o nerth i nerth, edrychwn ymlaen i weld beth arall sydd ar y gweill dros y misoedd nesaf yn ardal Nantglyn.



CYSYLLTU Â NI

Cysylltwch â ni os oes gennych unrhyw ymholiadau am ein digwyddiadau a chofiwch ein dilyn ar y cyfryngau cymdeithasol am ddiweddariadau cyson.



Facebook



Instagram



Tik Tok



X



01745 812 822

Dyma ein gwefan am wybodaeth pellach - [dolengwefan](#)

Menter Iaith Sir Ddinbych

Y Farchnad Fenyn

Llain y Capel

Dinbych, LL16 3TU